

मार्निंग डोगरी न्यूज़ बुलेटिन, समें. 09-20 Hrs



Headlines

- प्रधानमंत्री नरेन्द्र मोदी होर 25में कारगिल विजय दिवस दे मौके पर कारगिल युद्ध स्मारक च 1999 दे कारगिल युद्ध दे शहीदें गी सम्मानत करगंन।
- कठुआ जिले दी बिलावर थाहर सेना दी इक गश्ती पार्टी पर कीते गोदे आतंकी हमले च शामिल। संगठन थमां बाहर रेइयै कम्म करा'रदे दऊं ओवर ग्राउंड वर्करें गी गिरफ्तार कीता गेआ ऐ।
- सेनाध्यक्ष जनरल उपेन्द्र द्विवेदी होरें जिला कुपवाड़ा दे केरन सेक्टर च कब्जा रेखा पर अगेत्रिएं चौकिएं दा दौरा लाया।
- मुख्ख सचिव अटल डुल्लू होरें जम्मू कश्मीर च सड़क परियोजनाएं दे बेल्ले सिर मुकम्मल करने पर जोर पाया। उनें अफसरें गी कम्म च आवा'रदिएं मुश्कलें गी तौले शा तौले दूर करने दी ताकीद कीती।



PM Modi-Kargil

प्रधानमंत्री नरेन्द्र मोदी होर अज्ज 25में कारगिल विजय दिवस दे मौके कारगिल युद्ध स्मारक जांगन। श्री मोदी होर देश आस्तै सर्वोच्च बलिदान देने आले सैनिकें गी श्रद्धांजलि भेंट करगंन। इक सोशल मीडिया पोस्ट च प्रधानमंत्री होरें आखेआ अज्ज हर भारती लेई इक विशेष दिन ऐ। उनें आखेआ अज्ज उनेंगी श्रद्धासुमन अर्पित करने दा दिन ऐ जेह्ड़े मुख्ख दी राखी हिफाजत करदे न। श्री मोदी होरें जानकारी दित्ती जे अज्जै थमां शिंकुन ला सुरंग परियोजना पर कम्म अज्ज थमां शुरू कीता जाग। प्रधानमंत्री होर वर्चुअल राएं इस परियोजना दा पैहला धमाका करगंन। एह परियोजना लेह कन्नै संपर्क मजबूत करने दे नजरियै कन्नै बड़ी महत्वपूर्ण ऐ।



OGW Arrested

कठुआ जिले दे बिलावर इलाके दी मछेड़ी थहरें कश बडनोटा कोल सेना दी इक गश्ती पार्टी पर होए दे आतंकी हमले च शामिल संगठन थमां बाहर रेड्यै कम्म करा'रदे दऊं ओवर ग्राउंड वर्करें गी पुलस नै गिरफ्तार कीता ऐ। एह दवै जनें पुलसै कोला जानी बुज्जियै महत्वै आली जानकारी छपैला'रदे हे। इंदे दौनें खलाफ कनून तैहत मामला दर्ज करी लैता गोआ ऐ। तोआई आतंकवादिएं आस्सेआ घुसपैठ दिएं कोशशें पर रो लाने लेई सुरक्षा बलें सांबा सेक्टर च अंतर्राष्ट्रीय बन्ने पर धरतै दे हेठलिएं ते बन्ने पारा आलिएं सुरंगे दा पता लाने लेई इक मुहिम चलाई ऐ। बड़ी मती तादाद च पुलस ते सैन्य कर्मी विशेष उपकरणें कन्नै बन्ने आले इलाके दी तफतीश करा'रदे न। ओ घनिएं झाड़िएं ते जंगल आले इलाके च सौहगे ते सतर्क रेहियै अपनी ड्यूटी अंजाम देआ'रदे न।

<><><><><><>

Army Chief

सेना प्रमुख जनरल उपेन्द्र द्विवेदी होरें घुसपैठ ते आतंकवाद रोधी अणियानें च शामिल सैन्य बलें दी तैआरिएं दी समीक्षा लेई कल कश्मीर घाटी च कब्जा रेखा कन्नै लगदे अगेत्रे इलाकें दा दौरा लाया। श्रीनगर पुज्जने मगरा जनरल द्विवेदी होरें जम्मू कश्मीर दे उपराज्यपाल मनोज सिन्हा, उत्तरी कमान प्रमुख, चिनार कोर कमांडर, मन्ने परमन्ने दे लोकें ते चिनार कोर दे होरने अफसरें कन्नै नायक दिलावर खान होरें गी श्रद्धांजलि दित्ती। जिने कुपवाड़ा च आतंकवादी रोधी अभियान दरान अपने प्राणे दा बलिदान दित्ता। मगरा सेना प्रमुख होर अज्ज मनाए जा'रदे कारगिल विजय दिवस दे रजत जयंति समारोह च हिस्सा लैने लेई कारगिल रवाना होए।

<><><><><><>

DGP

कारगिल विजय दिवस दे मौके पर पुलस महानिदेशक आर.आर.स्वैन होरें भारती सेना दी बहादुरी ते बलिदान गी श्रद्धांजलि अर्पित कीती, जिनें 1999 च मातृभूमि दी अखंडता ते सम्प्रभुता दी इफाजत लेई बहादुरी कन्नै लड़ाई लड़ी।

शहीद वीरें गी श्रद्धांजलि अर्पित करदे हाई उनें गलाया जे कारगिल विजय दिवस उनें वीरें दी याद च मनाया जंदा ऐ, जिनें बिजन डरे, बहादुरी कन्नै लड़दे होई देश दी रक्षा लेई अपनी जिंदू दा बलिदान देई दित्ता। एह ध्याड़ा सेना दे अटले संकल्प ते बहादुरी दा प्रमाण ऐ जेहड़ा राष्ट्रीय गौरव दी गैहरी भावना पैदा करदा ऐ।

<><><><><><><><>

Director Agriculture

राई-बाई मैहकमे दे निदेशक सरदार अरविंदर सिंह रीन होरें अधिकारिणं दी इक टीम कन्नै मढ़ सब डिजीवन दा व्यापक दौरा लाया ते समग्र कृषि विकास कार्यक्रम तैहत बक्ख-बक्ख पैहलकदमिणं ते राई-बाई सरबंधी परियोजनाएं दा जायजा लैता। इस मौके निदेशक होरें समग्र कृषि विकास कार्यक्रम दा राई-बाई दे क्षेत्र च विकास करने ते पैदावार बधाने च कम्म च पौने आले असर बारे बी चर्चा कीती। उनें गलाया जे इस पैहलकदमी दा उद्देश्य शड़ा राई-बाई दे क्षेत्र च विकास करना गै नेई सगुआं एहदे राणं नोजवानें लेई रोजगार दे मौके बी उपलब्ध होंगन। अपने दौरे दरान निदेशक होरें कृषि विभाग आस्सेआ सब्सिडी दरें उप्पर दित्ते जा'रदे हाइब्रिड बीणं दी किस्में दा बी जायजा लैता। निदेशक होरें करसानें गी शैहद दी पैदावार बधाने बारे बी सुझाह दित्ते।

<><><><><><><><>

Kathua Dengue

कठुआ दे चीफ मैडिकल अफसर डॉ. विजय रैणा होरें मौसम दे चलदे डेंगू ते मलेरिया जनेइणं बमारिणं बारे लोकें गी जानकार कीता। उनें लोकें गी इनें बमारिणं शा बचने ते लोड़चदी एहतिहात बरतने दी अपील कीती। साढ़े संवाददाता कन्नै गल्ल करदे होई उनें आखेआ.....

<><><><><><><><>

Chief Secretary

मुख्य सचिव अटल डुल्लू होरें कल इक मीटिंग लोआइयै जम्मू कश्मीर च प्रधानमंत्री ग्रामीण शिड़क योजनाआरटीएफ, नाबार्ड ते यूटी कैपेक्स तैहत बक्ख-बक्ख शिड़कें ते पुलें दे चला'रदे कम्मं दा जायजा लैता। मुख्य सचिव होरें पीडब्ल्यूडी दे अधिकारिणं गी अपने अपने अधिकार क्षेत्र च कीते जा'रदे कम्मं दी जानकारी लेई नियमत आधार उप्पर क्षेत्र दा दौरा करने दा आह्वान कीता। उनें परियोजनाएं दे कम्मं उप्पर नेड़मी तक्क रखने ते समें सिर सब्बे कम्म मुकम्मल करने उप्पर जोर पाया।

इस दरान एह जानकारी बी दितती गई जे प्रधानमंत्री ग्रामीण शिड़क योजना 1 ते 2 तैहत जम्मू कश्मीर च 2129 बस्तिएं गी जोड़ने आली 18 ज्हार 205 किलोमीटर लम्मी शिड़क ते 217 प्लएसबी दा कम्म पूरा होई चुके दा ऐ। एह बी दस्सेआ गेआ ऐ जे विभाग प्रधानमंत्री ग्रामीण शिड़क योजना 4 तैहत 1820 बिजन संपर्क आली बस्तिएं गी रलाने लेई सबै जतन करा'रदा ऐ, जिंदे च 2011 जनगणना तैहत तकरीबन 100-ढाई सौ घर औंदे न।

<><><><><><><>

Amarnath Yatra

श्री अमरनाथ जी दी यात्रा लेई 2 ज्हार 566 श्रद्धालुएं दा दक होर जत्था जम्मू दे भगवती नगर आले आधार शिविर थमां घाटी लेई रवाना होआ। इस जत्थे च इक ज्हार 877 मर्द, 577 महिला, 12 बच्चे, 95 साधु ते 5 साध्वियां शामिल न। इंदे चा 885 श्रद्धालु बालटाल लेई ते 1 ज्हार 681 श्रद्धालु पहलगाम लेई बडलै मुंह न्हरे 3 बज्जियै 20 मिंटे उप्पर रवाना होए, जित्थुआं ओह अपनी अगड़ी यात्रा लेई रवाना होंगन।

<><><><><><><>

Machail Yatra

सालाना श्री मचेल यात्रा कल पूरे जोश ते धार्मिक जज्बे कन्नै शुरू कीती गई। यात्रा दे पैहले दिन डोडा-किश्तवाड़-रामबन रेंज दे डीआईजी श्रीधर पाटिल होरें डिप्टी कमीशनर किश्तवाड़ डॉ. देवांश यादव ते मचेल यात्रा सीगें दे दुए अफसरें कन्नै सैकड़ा बद्धे श्रद्धालुएं कन्नै श्री चंडी मां दे भवन च मत्था टेकेआ ते जिला किश्तवाड़ ते जम्मू कश्मीर दी अमन-शांति, खुशहाली ते विकास लेई प्रार्थना कीतीं श्रद्धालुएं कन्नै गल्लबात करदे होइ डीआईजी, डीसी ते एसएसपी होरें भरोसा दोआया जे प्रशासन नै सुरक्षत ते सखल्ला करने लेई व्यापक प्रबंध कीते दे न। बक्ख-बक्ख थाहरै यात्रुएं दी सहूलत आस्तै लंगरें दा आयोजन कीता गेदा ऐ। स्थानीय लोकें यात्रुएं दे रौहने-बौहने दी बवस्था बी कीती दी ऐ। भवन ते बत्ता च मोबाइल फोन कनैक्टिविटी दे पूरे इंतजाम कीते गेदे न।

<><><><><><><>

Konsar Naag

रियासी दे जिला विकास कमीशनर विशेष महाजन होरें इक बैठक लोआइयै औंदी कौंसर नाग यात्रा लेई कीते जा'रदिएं तैआरिएं दा जायजा लैता। इस दरान डीडीसी होरें जिले च शांति ते बवस्था बनाई रखने लेई व्यापक सुरक्षा इंतजामें गी जकीनी बनाने लेई बी गलाया।

उनें मुत्तलका अधिकारिणं गी कनून बवस्था बनाई रखने आलिणं अजेसिणं कन्नै आपसी तालमेल बनाइयै कम्म करने लेई गलाया तां जे खित्ते च सुरक्षा दे निग्गर बंदोबस्त कीते जाई सकन। उनें माल मैहकमे दे अधिकारिणं गी बकाया मामलें दे नबेड़े च पारदर्शिता आनने ते समें उप्पर सब्बै कम्म मुकम्मल करने दे निर्देश बी जारी कीते।

<><><><><><>

DC-Rajouri

माल विभाग दे अंदर सार्वजनिक सेवाएं गी बेहतर तरीके ने मुहैया करोआने आस्तै राजौरी दे डिप्टी कमीशनर ओम प्रकाश भगत होरें कल इक व्यापक बैठका दी अध्यक्षता कीती। बैठक च मुख् करियै स्वाभित्त्व स्कीम तैहत होए दे कम्म-काजें, एलजी पोर्टल दे जेके-IGRAMS च बकाया पेदे कम्म, जेएंडके Monitoring Redressal पोर्टल पर आनलाइन विजिलेंस मामले दिणं बकाया पेदिणं शकैतें ते जमाबंदिणं दे कम्प्यूट्रीकरण बारे गल्लबात कीती गई। एहूदे अलावा बैठका च इंतकालें दी शहादाहत दी स्थिति बारे सरकारी जिमीं पर गैर कनूनी कब्जे हटाने, सरकारी जिमीं दी हद्दबंदीते अदालतें च चला'रदे मामलें बारे बी बैठका च गल्ल कीती गई। डिप्टी कमीशनर होरें अफसरें गी समें सिर ते सखल्ले अपने कम्म तोड़ चाढ़ने लेई आखेआ ते आम लोकें दी पहुंच अपने तगर जकीनी करने दे निर्देश दित्ते। उनें लोकें दिणं समस्याएं-शकैतें दे तौले नबेड़ दे हुक्म बी दित्ते ते ई-प्रशासन पैहलकदमिणं दी अमलावरी दी पक्की बवस्था करने लेई आखेआ तां जे विभाग दे कम्मकाजें च पारदर्शिता जकीनी कीती जाई सकै ते कम्मकाज आले सरिस्ते गी मता मता असरदार कीता जाई सकै।

<><><><><><>